

DAD ELVIRA PÜNCHERA

■ Tes frar ha bittà terra sin mia rosa cotschna cun spinas gizzas che jau hai laschè crudar. Ella è sgulada engiu, la rosa, sventulond, sco la plima da la cratschla che ti avevas chattà a la riva da la Verzasca. Ti m'avevas regalà ella, la plima, tes ultim regal, cun passar sur la punt dad undas. Là m'has branclà, m'has tschertgà cun tut Tes corp, has cumenzà a rir dad aut ed has bittà da quai giagliard Tes vestgids a la riva dal flum en in mantun caotic.

Jau hai envidà ina cigaretta ed hai observà il fim che sgulava en l'aria, entant che Ti es sigli en la Verzasca verda che s'ha maschadada cun la cleritad dal sulegl.

«Carl, ve e siglia er ti!» has clamà e fatg sen da ma trair or e da giudair questa libertad en in maun dad undas infinitas. Ma jau hai scurlattà il chau, nudar nun era ina da la chaussas che nus pudevan metter sin ina ballantscha communabla.

Jau hai observà Tai, Ti sventulavas la bratscha e siglivas enturn en il fluid da fils e cullas che sgulatschavan sco tgirallas blauas ed alvas murmurond giu vers l'ual. Jau hai fatg in pèr pass vers la vischnanca ed hai giudì la cuntrada en flur che sa svegliava ord in sien lung e profund.

Cur che jau hai dudì in sbratg setg dad ina dunna, hai jau guardà enavos be mirveglias. Ella sigliva enturn tut conternada: «Aiuto, c'è un uomo, ma fate presto, sta annegando...»

A la riva s'aveva radunada ina fulla da var diesch personas.

Jau hai senti sco che mia gula sa serra, mias chommas tatgavan vi dal catram chaud che rinserrava la via vers il lieu da la disgrazia, la punt veglia tar Laverizzo, nua che ti es ì giu a la riva ed es sigli viaden.

Mez per talian, mez per tudestg sbarbuttava in vegl che s'aveva sgobà sur Tai en in fil che l'onn passà saja er ina dunna vegnida tschitschada dal turnigl vi sut in da quels crappuns mulads,

Verzasca

senza ch'ella s'haja pudì defender e deliberar e quant sgrischaivel che quai saja stà e che er là saja in da la vischnanca sigli viaden, ma che er là saja quai stà memia tard ed il fil era cotschen e lung e nagin n'aveva remartgà che nus tutgain ensemen, che mes corp tremblava e che jau nun hai pli gi tegn e pers l'equiliber da mia vita.

L'ambulanza è vegnida, ma igl era memia tard. I han cuvert Tes corp ch'els avevan mess sin ina bara, han cuvert Tes lefs blaus cun in lenziel. Insatgi m'ha manà a l'hotel, ha vulì savair Tes num, noss'adressa. Jau n'hai ditg nagut, al hai guardà tras egls da vaider sur in grond segn da dumonda vi.

Ti has giudì Tia vita per mintga batterdegl. Armon, Ti has simplamain stgatschè, admoniziuns, privels ed er confruntaziuns sco sch'i na fissan betg existents, Ta salvond cun egls che han midà purtret e color tenor Tes agen bainplachair, egls che han laschè sgular ils utschels senza atterrar.

Tia vita era circondada da chastels en

mobiglia che sa cunfatscheva cun mintga tun da color.

Uss è er quest chastè vegnì bombardà, sbuvà, sepulì ed emblidà.

Il schuschuri resuna en mai, in'unda gigantesca furma mauns senza detta, furma ina grifla che Ta enserra, che Ta smatga e stira e ria malign.

Mamma nun è vegnida, oz. Al moment che Tia via ha furmà la parallela da mia, ha mamma cumenzà a fabritgar in miratsch enturn sai cun si ina tavla da scumond cun Tes num e cun mes. Ella nun ha pli fatg a savair novas, er betg en quests ultims dis che la plievgia ha sutterà mes preschent cun in urizi desastrus.

Nus avevan bleras personas che han sa participà a noss viadi, che han furmà la salatschada sut noss pes, che m'en gist er uss ina glisch a mes pass. Els èn tuts vegnids oz, tar il funeral, en quest santeri desert ed ester.

Tes frar m'ha branclà e ditg: «Carl, Ti pos adina vegnir tar nus, quai sas!»

Versiun en rg, Guadench Dazzi/LR

Elvira Pünchera.

l'aria, da siemis e siemiaders, e mintgant, be adascus ed a la zuppada hai jau engulà Tes quadrels e fabritgà vi da mes chastè, che aveva però plauns pli surveivels, las stanzas gia drizzadas en cun